



Broj: 05/7-50-13-986-9/14
Sarajevo, 27.10.2014.

Z A P I S N I K

9. sjednice Vijeća nacionalnih manjina BiH, održane 27.10.2014.

Sjednica je počela u 13,15 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jakob Finci, Nedžad Jusić, Jovanka Manžalović-Šalaka, Hakan Varan, Andrija Svatok, Mladen Radmilović, Todorka Jovanović, Marija Grbić, Vjeročka Gajić i Silvija Vujović

Sjednici, iz opravdanih razloga, nisu prisustvovali: Tijana Vučurević, Eva Pašić-Juhas, Dejan Piotrovski, Halil Bicaj, Velibor Kuvač i Dragan Marković.

Sjednici su, također, prisustvovali: Jovica Katić, Sektor za odnose s javnošću Sekretarijata PSBiH, Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji.

Članovi Vijeća nacionalnih manjina BiH **jednoglasno su** usvojili sljedeći

D N E V N I R E D

1. Usvajanje zapisnika sa 8. sjednice Vijeća nacionalnih manjina BiH;
2. Razmatranje inicijative Udruženja žena Romkinja „Bolja budućnost“ Tuzla;
3. Informacija o statusu Strateške platforme za rješavanje pitanja nacionalnih manjina u BiH;

4. Status izrade pojedinačnih izvještaja o položaju nacionalnih manjina u BiH;
5. Razno:
 - Informacija o finansiranju udruženja nacionalnih manjina iz sredstava Ministarstva za ljudska prava i izbjeglice BiH
 - Odgovori na zahtjeve upućene od strane Vijeća nacionalnih manjina BiH.

Ad.1. Usvajanje zapisnika sa 8. sjednice Vijeća nacionalnih manjina BiH

Vijeće nacionalnih manjina BiH **jednoglasno** je usvojilo Zapisnik 8. sjednice.

Ad.2. Razmatranje inicijative Udruženja žena Romkinja „Bolja budućnost“ Tuzla;

Predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. U raspravi su sudjelovali: Tihomir Knežiček, Jakob Finci, Nedžad Jusić, Andrija Svatok, Hakan Varan i Todorka Jovanović.

Vijeće nacionalnih manjina BiH podržalo je inicijativu Udruženja žena Romkinja „Bolja budućnost“ Tuzla, te usvojilo sljedeće zaključke:

- Obavještava se udruženje žena Romkinja „Bolja budućnost“, da Vijeće nacionalnih manjina BiH u okviru svog sastava poštuje princip rodne ravnopravnosti.
- Od udruženja žena Romkinja „Bolja budućnost“ se traži da Vijeću nacionalnih manjina BiH dostavi Analizu rodne ravnopravnosti u prijemu i radu Vijeća nacionalnih manjina Parlamentarne skupštine BiH, Vijeća nacionalnih manjina Parlamenta Federacije BiH i Savjeta nacionalnih manjina Narodne skupštine Republike Srpske.

Ad.3. Informacija o statusu Strateške platforme za rješavanje pitanja nacionalnih manjina u BiH;

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Nedžad Jusić i Marija Grbić.

Vijeće nacionalnih manjina BiH je primilo k znanju informaciju o statusu Strateške platforme za rješavanje pitanja nacionalnih manjina u BiH.

Ad.4. Status izrade pojedinačnih izvještaja o položaju nacionalnih manjina u BiH;

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Silvija Vujović, Andrija Svatok, Marija Grbić i Mladen Radmilović.

Vijeće nacionalnih manjina BiH je primilo k znanju informaciju o statusu izrade pojedinačnih izvještaja o položaju nacionalnih manjina u BiH, te usvojilo zaključak kojim se od članova Vijeća, koji do sada nisu dostavili pojedinačne izvještaje, traži da to učine do naredne sjednice Vijeća nacionalnih manjina.

Ad.5. Razno:

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Andrija Svatok, Tihomir Knežiček, Nedžad Jusić, Hakan Varan, Marija Grbić i Mladen Radmilović.

Nakon provedene rasprave, Vijeće nacionalnih manjina usvojilo je sljedeće zaključke:

- Upućuje se zahtjev Sektoru za računovodstvo i finansije Parlamentarne skupštine BiH da osigura finansijska sredstva za realizaciju programskih aktivnosti Vijeća nacionalnih manjina BiH za 2015. godinu.
- Vijeće nacionalnih manjina BiH će uputiti čestitke novo izabranim članovima Savjeta nacionalnih manjina Republike Srbije.
- Vijeće nacionalnih manjina BiH predlaže Ministarstvu za ljudska prava i izbjeglice BiH da u narednom vremenskom periodu otvori posebnu budžetsku liniju za dodjelu finansijskih sredstava za podršku rada udruženjima nacionalnih manjina u BiH. Te da se konkursom precizira da će se dodjela navedenih finansijskih sredstava isključivo odnositi na udruženja nacionalnih manjina u BiH.

Sjednica Vijeća nacionalnih manjina BiH završena je u 14,30 sati.

Sastavni dio ovog zapisnika je tonski snimak 9. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

Prof. dr. Tihomir Knežiček

